

佛說摩訶般若波羅蜜多心經

觀自在菩薩 行深般若波羅蜜多時 照見

五蘊皆空 度一切苦厄 舍利子 色不異

空 空不異色 色即是空 空即是色 受

想行識 亦復如是 舍利子 是諸法空相

不生不滅 不垢不淨 不增不減 是故空

中 無色無受想行識 無眼耳鼻舌身意

無色声香味觸法 無眼界 乃至無意識界

無無明 亦無無明盡 乃至無老死亦無老

死盡 無苦集滅道 無智亦無得 以無所

得故 菩提薩埵 依般若波羅蜜多故 心

無罣礙 無罣礙故 無有恐怖 遠離一切

顛倒夢想 究竟涅槃 三世諸佛 依般若

波羅蜜多故 得阿耨多羅三藐三菩提故

知般若波羅蜜多 是大神呪 是大明呪

是無上呪 是無等等呪 能除一切苦 真

實不虛故 說般若波羅蜜多呪 即說呪白

羯諦羯諦 波羅羯諦 波羅僧羯諦 菩提

薩婆訶 般若心經